

**THEOPHILI
MULLERI, MED.
DOCT. & PHYS.
EIDERSTAD...**

Theophilus Muller




COMMERCIAL TIONS

TO THE PUBLIC

OF THE



LIBRARY



I. N. J.

Commentatio I.

de

Oleis, variisque, ea extrahendi modis.

§. I.

DE Oleis dicturus, ne oleum & operam perdere videar, non circa nuclei tegmen scilicet inanem vocula huius enodationem versabor, sed nucleum ipsum potius degustans, olei definitionem ejusque divisionem statim quàm brevissimè tradam.

§. 2.

Est itaque oleum spiritus cujuscunq; rei, ex qua extrahitur atq; prolicitur, concentratus, unctuosus, sul-

A 2

phu-

phureus & facile inflammabilis. Nicolaus Lemery in suo Cursu Chymico Oleum describit, *quod sit substantia quaedam dulcis, subtilis, unctiosa, quæ in destillatione post spiritum prodit.*

§. 3.

Dividitur autem oleum in oleum *naturale*, & oleum *factitium*: Naturale natura producit; Factitium ars elaborat: Olea, quæ à natura proveniunt, profluunt vel ex montibus, rupibus &c. vel fluctuant in maribus, fluviis atque fontibus, quò omnia bitumina mollia in & extra terram contenta quoque referuntur; Vel destillant ex arboribus, virgultis &c.

§. 4.

INter hæc, quæ ex montibus profluunt, & deinceps in maribus fluctuant, non ultimum locum habet *Succinum*, quod, quamvis illud alii cum Fabro ob Salvatile, quod ex eo mediante destillatione elicitur, vegetabilibus annumerent, ab Athanasio

naſio Kircherò tamen non immeritò inter bitumina terreſtria & ſubterranea recenſetur; Et imprimis illud quod Suedi atque Dani vel ex mari cum retibus piſcantur, vel in oris colligunt, vel in littore effodiunt, ex ejuſmodi pingvibus exhalationibus terreſtribus oriri, deinceps per montes excavatos in mare deſtillare, ibique congelatum reperiri, communis fama eſt: Hinc & in ingenti copia in Pruſſiaco maris Baltici ſinu, atque ſapiffimè etiam apud nos ad littus maris, locum quendam *Sanct Peter* dictum, & à civitate noſtra Tonnin- ga non longè diſtanti alluentis, invenitur; Indicum verò cæteras Electri huius ſpecies virtutibus antèire creditur, & dicunt Hiſtorici, quod Crocodili in Nilo vitam degentes, ſapiffimè albiffimas puriſſimasque huius ſuccini particulas in ſeſe contineant.

§. 5.

HUc referimus quoque *Succinam*, reſolutum nimirum *Peteroleum*, quod ſub terra etiam ſuos ſcatu-

riginum modos habet ; Unde vi aëris è
 lasticâ cum aqua subterranea ad summa
 montium cacumina protruditur, à quibus
 deinceps cum fluminibus in mare sese de-
 volvit, ubi à mercatoribus colligitur, qui
 illud sub nomine S. Cathrinen-Oel ven-
 dunt : Et quod hoc oleum petrae in sub-
 terraneis telluris cuniculis natales suos ha-
 beat, ipse quoque testis sum ; Nam quum
 ante annos decem, & quod excurrit, cum
 Viro clarissimo Christiano Wolffio Me-
 dicinae Doctore & p.t. Practico Lipsienfi
 iter Romam instituerem, pernoctabamus
 die uno in vico quodam *Pietro mala* di-
 cto, Bononiae celeberrimae Italiae urbi pro-
 ximè adjacente ; Incolae hujus loci nos
 certiores faciebant, in vicinia focos quos-
 dam dari naturales atque ardentes, qua-
 propter summo cum gaudio jugum mon-
 tium horum, ubi Pyrophyllacia hæc con-
 tinebantur, ascendebarum ; Ad hæc quum
 accessissemus, odor ita nares feriebat, ut
 juramento te obstrinxisses, totas lagenas
 olei petrae esse vel fractas vel evacuatas ;
 quam nostram opinionem quoque terra
 ex locis his eruta, & purum putum oleum
 petrae

petræ redolens, magis, magisque firmam
stabilemque reddebat.

§. 6.

Porro *Naphta* in horum censum ve-
nit, quam quidam oleis artificiali-
bus, sed malè annumerant; Alii o-
leum *Naphtæ* oleum anthracum seu car-
bonum petræ esse, pertinaciter defendunt.
Schroederus vult, quod sit *colamen bitu-
minis Babylonii*, consistentia liquidum
ignis rapacissimum: Cui & adstipulatur
modò citatus Kircherus, quando in Mun-
do suo subterraneo ita scribit; *Bitumen*,
Babylonis Naphtam vocant, *vaφθη* sive
bituminosum liquorem, qui tantus cum
igne amicitias init, ut vel ad proximam
ignis applicationem inflammetur: Cl. Ett-
müllerus Præceptor meus olim dilectus,
& quem post fata etiam honorifico cultu
ac amore macto, *naphtam veterum & o-
leum petræ nostras* pro uno eodemque
subjecto habebat: Reperitur variis in Ita-
liæ & Siciliæ locis, uti in *Naphtia* loco vi-
cino *Mineo* urbi Siciliæ, teste eodẽ Kir-
cherò.

cherô. Ego apud modò citatum Italiæ
pagum *Pietro mala* paludem vidi, quæ
non solum semper ebulliendò bullas pro-
jiciebat, sed etiam uno in loco saltem stra-
mine incensa, ictu quasi oculi quoad to-
tam superficiem, flammiam concipiebat,
ex qua subitanea & prope irradiativa, to-
tius hujus paludis incensione colligebam,
naphtam quandam hîc sub aqua latere.

§. 7.

AD hæc bitamina mollia, vel olea
in terra contenta, quidam etiam
oleum illud naturale, ex quo Ca-
tholici *Oleum ultime unctionis* compone-
re creduntur, referunt; Id autem in Hi-
spania ex tumba atque monumento cujus-
dam Regis fluere fertur, quò illi ad alia o-
lea in hunc finem tingenda & fermentan-
dà, paucas saltem ejus guttulas iis instil-
landò, utuntur.

§. 8.

UTi nec horum numero excludi-
mus *Asphaltum*, quod est bitumi-
nosus

nosus liquor ex lacubus sulphureis & imprimis lacu illo Syriæ Asphaltites & mare mortuum dicto, in superficiem aquæ delatus, in littus appulsus, & duritiem lapidosam, purpureo colore induens; Referatur, uti dixi, inter bituminosa naturalia, & est juxta Ettmüllerum prolatum *rari usus, nisi pro corpore quorundam linimentorum, vel admiscetur balsamo apoplectico, ut eum colore nigro tingat*: Veteres illò loco calcis, ad ædificia compingenda & extruenda, utebantur.

§. 9.

TAndem bituminosis & oleosis subterreis subiectis non immeritò adjungimus, illas pinguedines montanas, ex quibus natura metalla & mineralia componit, & quas Metallarii Berggubren vocant; hæ interdum illis etiam post eorum genesis adhærent, uti Petrus Albinus in suo Chronico *de Fodinis Misnensibus* conscripto, his verbis hoc innuit, quando p. 147. ita scribit: *Saxenfeldie lapidi metallico albo & pinguis quedam*

terra adheret: Quod verò ex ejusmodi corpore liquido & deinceps indurato metalla proveniant (dum Deus Omnipotens tanquam summus Artifex, etiam sub terra suas ustrinas & refrigeratoria sibi invicem adstantia habet, in quibus ille fusa & guttarum more destillantia metalla congelare facit,) monstrat Johannes Mathesius in sua Sarepta his verbis, quando dicit: In interioribus terre speluncis sepius etiam minerale quoddam, in argentum album, guttatim deciduum, & Glas. Ergo dictum, reperitur. Item: Metallicolæ in terrarum cuniculis sepius etiam quandam inveniunt, quam illi Gur | sive Wolckensarbicht Wasser appellant: Hec deinceps coagulata in optimum evadit argentum, & propriè nihil aliud est, quàm pingvis quedam, & de Sulphure atq; Mercurio participans, materia.

§. 10.

GEnesin horum aliorumve bituminum & oleorum naturalium quod concernit, elaborantur illa

in amplissimo subterraneo naturæ labora-
torio pari ratione vi ignis, atque olea arti-
ficialia in nostris laboratoriiis chymicis.
De his enim constat, quod si in destillatio-
nibus vel sublimationibus herbæ, lapides,
succī &c. vigore ignis, calorisve cujusvis al-
terius virtute torquentur, illa exinde pro-
fluant; Consimiliter mineralia, naturâ la-
borante, in cryptis subterraneis examini
ignis subjiciuntur, & tam diu flammâ ve-
xantur, donec pro ipsorum diversitate, di-
versa etiam olea fundant.

§. II.

Dari autem ejusmodi ignes subter-
raneos extra omnem dubitatio-
nis aleam positum est: Jobus hu-
jus ignis meminjt, quando cap. 28. libri
sui dicit; *Terra, de qua oriebatur panis
in loco suo, igni subversa est*; Et testantur
illud quoque montes ignem vomentes, uti
sunt Hecla in Islandia, quorum ultimus
quod post immanem fumum ingentesque
cineres maximam quoque ignium vim
cum exustis lapidibus exspuerit, cum mo-

dò citato meo dilectissimo per Italiam comite Dn. Doctore Wolffio, quum supra ejus jugum staremus, ipse vidi.

§. 12.

Generantur autem isti ignes subterranei vel à motu, quemadmodum chalybem ad lapidem illisum, hâc ratione ignem producere videmus, vel à radiis solaribus: Qui si totas sylvas incendere & exurere possunt, quidni etiam per peculiarem & admirandum terram petrandi modum, in cuniculis subterraneis, & bitumine plenis, ejusmodi incendia faciant; Imprimis si talia loca offendunt, quæ instar speculorum concavorum, errorum vim radiativam colligunt in unum, & eam in sibi oppositas vel adjacentes mineras sulphureas, & hinc facile inflammabiles, reflectunt.

§. 13.

Quidam in hac opinione fuerunt, ignes hos non semper à natura, sed

sed interdum etiam arte productos fuisse ;
 Hinc peculiare pulveres pyrios invenerunt,
 quibus hoc efficere studuere, existimantes
 si Theophrasti observatione ab aqua calx & gypsum etiam inflammaretur,
 imo à sputo lapidis Thracius, & quivis
 alius arte factus, accenderetur, talibus inventis
 multò faciliùs se scopum suum attacturos.
 Verum enim verò quamvis *magna & singularis*, ut Fortunius Licetus
 in præfatione ad suos sex libros de reconditis antiquorum
 lucernis scribit, *ubi q, in suis operibus cum artis immatura sit vis*,
 tamen huic potius quàm illi stupenda & admiranda
 hæc subterraneorum incendi-
 orum producta adscribere reclaratio, & multorum
 seculorum experientia nobis dictitant.

§. 14.

PROgredimur ulterius, paucis etiam
 olea ex arboribus destillantia consideraturi,
 quæ communiter vel balsama, vel resinae, gummata & lachrymæ
 dicuntur, quæque ex arboribus aut sponte
 A 7 trans-

transudant, aut ex iis non nisi prius quoad corticem vel ramos sauciatis profluunt.

§. 15.

Balsamis annumeratur *Balsamus Syriacus*, omnium balsamorum laudatissimus, qui juxta Schræderum est liquor flavus instar *Therebinthinae*, odoris fragrantissimi, saporis subamari & acris, & qui, uti Erasmus Francisci Horti sui Orientalis & Occidentalis Indiae ac Sinae parte prima fol. 69. scribit, ex frutice dumoso & feralaceo ab inhabitatoribus *Goa* conax dicto, provenit.

§. 16.

Hic meritò jungimus *balsamum Indiae Occidentalis*, qui ex America, sive Nova Hispania Indiae Occidentalis ad nos affertur, & quamvis juxta citatum Francisci, hic balsamus non verus balsamus ut ille est, qui ex Alexandria & Cairo venit, & qui olim in *Judea*

re-

reperitur fuit, nihilominus tamen est, liquor fragrans & quidem arboris Indice Balsami dicta, odoris itidem, uti Schroederus habet, suavissimi; Optimus verò, ait mo dò citatus Francisci, hic est, qui Insulam Tacu pro patria agnoscit, & odorem Limoniorum fragrantiam vei Jasmini quodammodò referentem habet; De quibus balsamis apud Monardum, Clusium, Petrum Bellonium, Alpinum, aliosque Autores plura legi possunt.

§. 17.

MEminit verò Francisci aliorum quoque balsamorum Americanorum, e. g. liquoris balsamæi, ex arbore *Hoitziloxitel* profluentis, qui Balsamo Syriaco similis est, & illi neque, quoad odorem, neque quoad vires cedit: Item balsami arboris *Copaiba*, qui non solum gratum odorem spirat, sed cujus vires etiam insigniter balsamicæ & vulnerariæ sunt, quique ex arbore sua, quoad corticem in plenilunio vulnerata, tanta incopia prorumpit, ut intra spatium trium ho-

horarum duodecim libras olei sollicitantibus suggerat: Uti & citatus Autor Horti Orientalis & Occidentalis Indiae ac Sinæ gratissimi illius succi oleosi, ab arbore sua *Cabureiba Cabureizica* appellati, & mense Martio, itidem tempore plenilunii collecti, mentionem facit.

§. 18.

Gummatis, resinis & lachrymis annumerantur *gummi Ammoniacum* plantæ ferulaceæ succus *Benzoin* resina gummosa admodum elegans, atque ex arbore proceræ magnitudinis & suavissimi odoris transudans, *Camphora* itidem lachryma resinosa proceræ cujusdam ac pègrinæ arboris *Galbanum* gummi ferulaceum, *Ladanum* gummi arboreum, *Mastiche* lentilci arboris lachryma, *Myrrha* resina gummea, revera balsamum quoddam naturale referens; *Therebinthina* resina liquidiuscula, ex arbore *Therebintho* collecta, *Sarcocolla* lachryma gummea, aliæque hujus census atque commatis,

HÆc de oleis naturalibus dixisse
 sufficiat ; Olea artificialia quod
 concernit, dispescimus illa melio-
 ris indaginis causa in Olea *expressa* & olea
compressata, in olea *destillata per ascen-*
sum, & olea *destillata per descensum*, in
 olea *infusa*, & in olea *cocta* ; De singulis
 pauca quædam dicemus.

§. 20.

Olea expressa ejusmodi olea sunt,
 quæ cum magnis & parvis prælis
 ad hanc suam pinguedinem co-
 guntur : Dantur autem 1. Schrauben-
 Pressen/ quæ unam vel duas cochleas, fer-
 reum vectem, ferreamque arcam seu ci-
 clam, ut igni imponi, & hõc modõ calefie-
 ri queat, habent. 2. Reperiuntur præla
 in totum ferrea, itidem ex ferreo vecte
 & in inferiori ipsorum partẽ ex robusto
 æthere constant, utrisque fortis funiculus,
 in superiori parte duas forfices, & in infe-
 riori circulum seu anulum ferreum possi-
 dens,

dens, applicatur, cum quibus mediante
der Schrauben ohne Ende / omne quod-
libet, fortiter exprimi potest. 3. Sunt
quoque *Spillen-Pressen* / itidem fortibus
cochleis exstructa, quæ cum succulis sub-
ditis coguntur: Ut autem illa conservem-
tur, necesse est ea sæpissimè oleo inungi.

§. 21.

Subjecta, quæ his prælis subjiciuntur,
ut plurimum sunt fructus, nuclei,
nuges atque semina, ex quibus nunc
ignis adjumentò, nunc nullò juvante ex-
ternò calore, olea educuntur: Si sine igne
oleum inde cogitur, hi fructus semina &c.
ut plurimum uti sunt, nullà alià præpara-
tione præviâ, frigide sacco aut stamini
vel cilicio è seta equina contexto, indun-
tur; Si verò auxiliò ignis hæc operatio
instituitur, semina hæc sæpissimè, ante-
quam expressio fit, vel super ignem in
alensis macerantur, vel vinò sive spiritu
vini conspersa, itidemque calefacta, tan-
dem exprimuntur.

SOlemus autem ut plurimum nuces moschatas, maces, caryophyllos, aliosque ejusmodi fructus, sacculis setaceis inclusos, (paucorum enim saltem mentionem faciemus, quum omnia olea expressa, eorumque subjecta, ex quibus exprimuntur, recensere nimis longum, imo supervacaneum esset, & Weckerus, Schroëderus alique Autores satis abundeque hoc egerint,) in peculiari vase duplici vapore aquæ calidæ, vini, vel alius liquoris tepescere; Lapidosa verò & dura semina, uti sunt semen Sambuci, Semen Berberum &c. prius benè contusa ac trita, in sartagine torrefere, & prælis fortibus ac tepidis oleosum succum exinde elicere.

FRuctus verò molliores, item semina mollia tepidiùs tractare necesse est: Hinc etiam Itali Jasmini, Aurantiorum, Citri, aliosque amœnum odorem spirantes flores, postquam illos cum incis

amyg-

amygdalis S. S. S. locandô vitro amplo atque rotundo indidère, fortiterque, compressère vel radiis solaribus exponunt, vel in aliûm moderatè calidum locum collocant, quos deinceps post temporis aliquod spatium, materiâ hâc mediante aqua calida, in quam vitrum immissum est, tepefactâ, exprimunt, oleoque huic novos flores adjiciendo, reiteratâ expressione, ad priorem pinguedinem cogunt, & sic per chartam, ut pellucidum illud reddant, filtrant. Et hûc modô varia olea ex aromatibus ac gummatibus, quæ vel internè adhiberi, vel externè ad fucos, compingendos usurpa i possunt, expximuntur & præparantur!

§. 24.

Simili ratione ex araneis crucigeris, & aliis animalculis atque insectis venenatis; si in mortario igne calefacto prius contunduntur, quod tamen cum cautela fieri debet, olea haberi possunt: Verum enim verò certas ob causas horum tractationi supersedeo, & ad olea compressata me converto.

Olea compressata ut plurimum conciniuntur in magnis illis molis, in quibus redit labor actus in orbem nimirum ubi rotæ cum trudibus mox surgunt, mox iterum etiam præcipitantur, & aliàs molæ trusatiles atque aquariæ appellantur: Mediantibus his enim Oleum sem. lini, cannabis, erucæ, sesami, raporum, nucum, castanearum aliaque olea, vel ad cibos componendos, vel pro pabulo ignis lampadum continuando adhibenda, magna in copia eliciuntur ac provocantur.

§. 26.

Porro reperiuntur præla, quæ cum torcularibus admodum conveniunt, & itidem 1. vectes atque cochleas, 2. rotas & tympana, 3. trudes & malleos habent, cum quibus in Hispania atque Italia oleum olivarum, oleum lauri, aliorumque fructuum oleum exprimitur atque exigitur: Ut itaque nulli, cui aliquid elici-

elicere animus est, modò vi contra vim
uti scit, peculiares prælorum modos in-
venire difficile, nedum impossibile sit.

§. 27.

PErgo nunc ad olea per ascensum de-
stillata, quæ in peculiaribus furnis
cum variis vasis & instrumentis ad
hunc finem aptis, sublimantur & destillan-
tur: Uti sunt. 1. Vesicæ cupreæ, cuprea &
stannea refrigeratoria habentes, quibus ex
abundanti tubi ex cupro stannato per va-
sa lignea transientes affixi sunt: Uti & ve-
sicis his vitrea, cuprea & terrea alembica
seu capitella imponuntur, quæ cum tubis
cuparum refrigerantium quoque commu-
nicant. 2. Dantur varia balnea vaporo-
sa, item varia balnea maris, ex variis lique-
ribus atque aquis, quibus scobs, palea ave-
nacea, muscus, folia &c. Injecta sunt, fa-
cta atque composita; His cupreæ, stan-
neæ & vitreæ cucurbitæ atque alembica
cum & sine annexis refrigeratoriis im-
merguntur. 3. Sunt varii generis cupol-
læ e, g. arenæ, cinerum, calcis vivæ, farinæ
la-

laterum, rasuræ Martis &c. quibus phio-
las ongas, variaque alia vasa circulatoria
& distillatoria committimus. Uti & 4.
multa olea per ascensum in aperto igne
cum torffo, ligno, & carbonibus &c. de-
stillantur, quæ deinceps per unum atque
alterum huic scopo conveniens instru-
mentum mediante igne rectificamus, &
pura atque clara reddimus.

§. 28.

Parantur autem hæc olea per ascen-
sum destillata, ut plurimum ex sin-
gulis simplicium familiis minerali-
um, vegetabilium ac animalium. Regnum
minerale talia olea nobis ut plurimum in-
subjectis suis sulphureis promittit, hinc ex
Antimonio, ut illius hæc vice tantum men-
tionem faciam, non solum talis liquor pin-
gris elicitur, qui cancrum & omnia ulce-
ra gangrænosa sanat, sed etiam exinde ejus
modi oleum mediante ejus vitrô provo-
catur, ex quo Basilus Valentinus, uti ille
in suo Curru Triumphali Antimonii p. m.
128 scribit, lapidem *Ignis*, qui particula-
iter

riter tantum præstare creditur, quantum universaliter lapis Philosophorum potest componit.

§. 29.

Regnum vegetabile primariò in herbis, floribus, fructibus, seminibus, radicibus, lignis, corticibus atque aromatibus sua olea nobis suggerit, secundariò in resinis, gummatibus &c. Ex herbis, floribus, fructibus, seminibus &c. Si destillatio instituitur, necesse est herbas virides vel siccas, item flores &c. ante destillationis actum bene incidere, fructus vero, semina & aromata contundere, aquam frigidam, vel certò modò quoque tepescentiam, iis affundere, & postquam aliquot dies in infuso manserunt, per cohobium seu cohobationem, uti dicitur, destillare. Ita tamen, ut singulis vicibus antequam hæc cohobatio fit, oleum liquori innatans mediante lanà, gossipiò, portiunculâ quendam pandi, vel vitreo argenteum tribulum possidente separatoriò, segregetur.

§ 30.

UT autem hæc destillatio feliciter procedat, non solum digestio fermentativa illi sæpissimè præmittitur, sed ut plurimum etiam, ut olea puriora atque clariora ascendant, subjectis destillandis Sal commune, Sal Tartari, Tartarus crudus atque cineres adjiciuntur, sicque in vesicis parvis (quas magnis propter nimiam oleorum profusionem, quæ in his plerumque fieri solet, meritò præferimus,) destillantur.

§. 31.

EX gummatibus si olea eliciuntur, (eliciuntur autem subtiliora ut plurimum per vesicam cum aqua destillando, crassiora ac ponderosiora verò per retortam,) plerumque post primam hanc extractionem illa etiam rectificantur, quod ut plurimum aut per se fit, aut cum aqua, lixivio & aliis liquoribus, item per additamentum cretæ, cinerum, concharum calcinatarum, calcis, boli, testarum ovorum, cornu cervi usti, spodii, sive alius capitis mortui.

§. 32.

Regnum animale denique olea sua nobis sistit per destillationem cornuum, ossium, ungularum, medullarum, cerebri, sanguinis &c. Quæ omnia in destillationibus suis non solum olea fundunt, sed etiam ut plurimum spiritus & salia volatilia simul exhibent; Ut M. le Febure in Tractatu suo Chymico per destillationem cornu cervi, cranii & sanguinis humani &c. prolixè hoc demonstrat.

§. 33.

Olea per descensum destillata itidem varios furnos & instrumenta requirunt. 1. Dantur in variis Herciniæ sylvæ locis furni, in quibus non solum das losß Pech/ sed etiam oleum pini destillatur. 2. Reperiuntur hinc atque inde varii furni, quorum superi pars focum, inferior autem cavitatem atque januam clausam habet, super quos cum una, duabus, tribus inversis cucurbitis, ollis & instrumentis oleum elici potest; Mediam-

diantibus quibus in Saxionta inferiori der Tegen (est gummi nigrum,) in Tyroli comitatu & Salisburgi, oleum Juniperi ex ligno destillatur; Item resina ex fungo laticis provocatur.

§. 34.

INditur aliàs etiam olla, vario pingvi ligno, resinis, axungiis, gummatibus aliisque subiectis repleta, quoad fundamentum seu inferiorem sui ipsius partem confolia atque perforata, & quoad superiorem coperculo tecta, lutoque bene clausa, alii ollæ, terræque committitur, ut hac ratione mediante ignæ rotæ, vel è longinquo vel propinquè constructo oleum exinde eliciatur ac provocetur: Uti & super hanc ollam furnus tubulatus, cum foraminibus ollæ communicans, exstrui potest,

§. 35.

Porro olea admodum clara & elegantia sequenti modo ex variis piscibus e. g. angvillis, hepate mustelæ

&c. elici possunt. Nimirum tornatur ex ligno tiliæ vasculum quoddam cavum, tenue, subtile & ferme transparens, quod quoad inferiorem partem rotundum, quoad superiorem verò operculo extante compositum est; Hoc postquam suâ materiâ, quam destillare volumus, repletum est, usque ad medietatem vitro amplo atque rotundo inditur, super fornacem ponitur, & hâc ratione, facibus in pyxide hac remanentibus, calore mediocri oleum quoddam pellucidum atque clarum transsudat.

§. 36.

DEnique ejusdem sortis ferme ex animalibus, fructibus, feminibus & aliis subjectis varia olea atque liquores obtinendi modus est, quando materia destillanda vitro amplo immittitur, eaque ipsa hâc bene clauso, & massâ panis circumvolutô, in furno pistorio hâc ratione coquitur & separatur.

§. 37.

Superest ut paucis etiam olea infusa & olea cocta tradamus. Olea infusa, quæ ut plurimum vel simplicia vel composita sunt, illa olea dicuntur, quæ per nudam infusionem nullâ coctione accedente, fiunt, nimirum quando herbæ, flores, radices, fructus, cortices, semina &c. sive illa sint viridia, sive exsiccata, incisa, rasa & contusa oleo olivarum, amygdalarum, lini, sesami, adjiciuntur, & ita macerantur: E. g. Recipitur horum unius uncia una, vel libra una, in vas huic operationi conveniens, & quod circumligandô & tegendô bene claudi potest, immittitur, & postquam duæ, tres, quatuor, quinque partes olei, pro necessitate rei extrahendæ, illi affusæ fuerunt, leni calori exponitur; quam materiam deinceps certis temporibus versandô & circummagendô, ad olei formam redigunt.

§. 38.

Huc refertur etiam in solatio, & est destillatio ope radiorum solarium instituta: Item projectio in-

sectorum aliarumque bestiolarum, Scorpionum, Scarabæorum &c. in certa olea, quæ autem pro ratione olei vel pauca vel plura, & quidem ut plurimum viva, vasis & vitris injiciuntur, & ita benè clausa ad usum reservantur,

§. 39.

Olea cocta ut plurimum mediante coctione acquiruntur; Coquuntur enim herbæ, flores &c. ex quibus illa fiunt, oleo aquæ, vino aliquo liquoris convenienti mixto, & quidem tantisper, donec humiditas aquea exhalarit; Uti & quidam hæc ipsa subjecta, duplici vasi inclusa, calidæ aquæ, ut superflua humiditas hac ratione exhalare queat, immergunt; Et si illa ipsa olea statim coquere sive exprimere non libet, in annum integrum, usque ad ipsorum propriam commoditatem, reponunt.

§. 40.

Quæ olea cocta verò, sive illa simplicia, sive composita sint, novis

vis floribus atque speciebus renovare placet, illa ipsa lento igne coquere, exprimere, & tandem à spissamento seu crassamento, stymma aliàs dicto, repurgare necesse est.

S. 41.

R Epurgamus autem & reddimus olea quoque clara, per pyxidem illam tileaceam, de qua suprâ diximus, item per Mānicam Hippocraticam tepida five calida illa transfundendō; Quoniam autem ut plurimum quædam eorum rubra, quædam viridia, quædam flava, quædam coerulea, quædam alius coloris sunt, tñstrinas imprimis exornare, & intrantium oculos pascere solent.

o^o(o)o^o

Commentatio II.
de
Quibusdam Alchymiaë Or-
tum & Progressum breviter
illustrantibus.

Punct. I.

de
Alchymia & ejus Origine.

Quintam essentiam æternum my-
sterium esse, Leonhardus Tur-
neysserus in suo libro primo de
Quinta Essentia scribit, eamque
per Alchymiam unicè obtineri omnes ve-
teres Philosophi docent; Siquidem illa
non solum principium & clavis totius Phi-
losophiæ atque ejus partium est, sed etiam
hac de causa ante aliquot secula à Christia-
nis atque Ethnicis, imprimis autem post
tempore Trismegisti aut Hermetis, ab O-
rientalibus excoli cœpta. Primus maxi-
musve omnium Alchymista & Transmu-
tator fuit Deus intransmutabilis, qui per
potens suum, prolatum atque effatum.

FIAT,

FIAT, omnes res ita creavit ac transmutavit, ut de illis Scriptura sacra Genes. i. meritò hæc enunciet: *Vidit q, Deus cuncta quæ fecerat, & erant valde bona.* Uti autem Deus summum bonum audit, & sua dona instar solis, radios suos quaquaversum dispergentis, largiter distribuit; Ita $\pi\rho\omega\lambda\omicron\pi\lambda\alpha\varsigma$ ¶ noster parens Adam ejus gratiæ, & cum illa magnæ hujus scientiæ, etiam particeps reddebatur, quam tamen serpente seducente, & Eva persuadente, fructum arboris cognitionis boni & mali degustans, mox iterum amittebat: Et quamvis illi naturam in sua Quinta Essentia denuo recognoscenti, post reconciliationem cum Deo, per promissum mulieris Semen, hæc Alchymia aliquali modò de novo quasi concederetur, cum nihilominus tamen vix tertiam prioris cognitionis partem reacquisivisse, minimamque saltem scientiam de hac, quam antea habuit, in ipsum iterum venisse, & ab ipso in posteros suos translata fuisse, multi Philosophi volunt: Ut hinc illi Prophetæ atque servo Dei fideli, *Moysi*, suis viribus propriis freto, impossibile fuisset, in Pentatevcho

lumen naturæ realluminare, & omnia hæc literis consignare, nisi cum illa, uti lex divina in tabulas lapideas, ita hæc scientia illi in cor suum ab ipsissimo Dei digito fuisset scripta atque insculpta: Quomodo-
 dum & ille ex hoc unico & solo fundamento vitulum aureum, quem Israëlitæ fabricaverant, cremabat & in pulverem redigebat. A Mose hæc ars in suum fratrem summum Pontificem *Aaronem* derivata; *Mirjam* Aaronis sororem illam in certos libros atque Emblemata distinxisse, eandemq; quibusdam virginibus sive duodecim *Sibyllis* reliquisse, quidam Rabbinii scribunt; Juxta quorum opinionem & Rex Pharaos, etiam si multos horum librorum Vulcano tradere jussisset, non impedire potuit, quin hæc ars apud Israëlitas certum studium exhiberet, quod illi cum Veteri Testamento in Synagogis deinceps publicè professi sunt: Donec tandem *Salomon* Regum sapientissimus ortus, quem non solum de omnibus herbis usque ad hyssopum ex muris crescentem, prudenter discurrere, sed etiam lapides viles in pretiosos, metalla ignobilia in aurum & argentum

tum transmutare potuisse, illi Philosophi credunt, qui verba hæc 1. Reg cap. 10. legenda: *Fecitq; ut tanta esset abundantia argenti in Jerusalem, quanta & lapidum: Et cedrorum præbuit multitudinem, quasi Sicomoros, quæ nascuntur in campestribus, de Tinctura, cum qua illum metalla transmutasse, & arbores sylvestres in cedros transformasse dixere, intelligunt; Siquidem juxta horum opinionem ille apparatus gemmarum, margaritarum, coralliorum, auri & argenti, quem classis Salomonis singulis annis per navigationem Ophiriticam apportabat, ad pretiosam templi exstructionem, quam Deo jubente susceperat, minimè suffecisset: Quare & Regina Arabiæ, postquam ejus summam sapientiam tot laudum encomiis extulerat, immensas illius divitias, quæ superbi-
entes aliàs in hoc passu felicissimæ suæ ipsius regionis thesauros multis parasangis superabant, in cœlum usque effert: Imò nonnulli Rabbinii hanc opinionem fov-
ent, quum Rex Salomon à Deo sapientiani petiisset, magnum illum omnium bonorum Largitorem, inter alias scientias*

illam artem ipsi simul concessisse, & insuper illum quoque ambas has statuas, quibus Hermes, posteros ne ingenti hoc beneficio defraudaret, illam insculpserat, obtinuisse, quarum una, ut aquis resisteret, si forte diluvium iterum terram inundaret, ex lapidibus naturalibus, altera ut ignem sustineret, si fortè per hunc mundus interiret, ex lapidibus coctis constituisse fertur. Congruant hæc cum veritate sive non, extra omnem dubitationis aleam tamen positum est, hanc artem valde antiquam & Christianam esse artem, quam tres Orientis Sapientes atque Magi sine dubio etiam calluerunt: Postquam autem cœteri Ethnici, Deum & ejus verbum non agnoscentes, neque etiam secundum exemplum horum agnoscere multum desiderantes, illi quoque operam navabant, & illam ex astris atque natura unice addiscere studebant, Superstitio tandem illi sese immiscebat, cujus ductu varii Dii, signa cœlestia, lumina, specula, sigilla, effigies, characteres, literæ, vocabula, numeri & puncta ab illis fingeantur, quibus certis cœli impressionibus adjutis, magnam vim referendi

randi atque claudendi adscribebant, donec tandem hæc superstitio tantoperè incrementum capiebat, ut Alchymia hæc in *Ne-romantiam* degeneraret; Quamvis nunc igitur hæc posterior cane pejus & angve fugienda, nihilominus tamen illa prior propter suam excellentiam valde amanda atque amplexanda; Siquidem illa non solum metallorum transmutationem (quam quidam sed injustè, in dubium vocant,) docet, sed etiam Medicinâ universali, cum aliis pretiosis particularibus potiundî viam monstrat.

Punct. 2.

De quonam Alchymia propriè agat?

AGit, itaque Alchymia 1. de transmutatione metallorum, 2. de Medicina universali: Et 3. de variis aliis Medicamentis particularibus virtutibus atque valentibus. Transmutationem metallorum multi veterum Philosophorum, omnes tamen ænigmaticè descripserunt. Medicamenta particularia sive universalia particularia, si illa ita appellare li-

cet, mox hic, mox ille Medicus insignis atque excellens mediante hac arte invenit, quò & Libavii, Unzeri, Mynsichti, Crollii, Salæ, Schroëderi, Quercetani, aliorumq; præclarissimorum virorum secretiores processus Chymici referri possunt; quos modò nomine cujusdam Astri, modo nomine cujusdam Reguli, præcipitati, vitri, vitrioli, sublimati, croci volatilis, Lapidis, salis, sulphuris, Mercurii, Essentiæ, olei &c. consignarunt. Materiæ, ex quibus illi plurumque hæc specifica componere solebant, ut plurimum erant *Antimonium*, *Mercurius atq; Vitriolum*; Ex quorum singulis quidam eorum plus quam centum & viginti medicamenta chymica se producere velle pollicebantur: Hinc e.g. ex Antimonio mox quoddam sal, mox quoddam sulphur per ascensum, mox quoddam sulphur per descensum, mox quendam Mercurium currentem, mox quoddam sublimatum, mox quoddam præcipitatum, mox quandam tincturam siccam, mox quandam tincturam liquidam, mox quosdam flores fixos, mox quosdam flores volatiles &c. eliciebant; aliarum scientiarum atque artium

tium in quibus Antimoniô itidem utebantur, e. g. artis probatoriæ, typographicæ, tinctoriæ, vitrariæ &c. in præsentiarum ne quidem mentionem faciendô; Ex quibus omnibus luculenter apparet, Antimonium non solum varia bona atque utilia medicamenta nobis subministrare, sed etiam ad alias artes addiscendas amplam & largam nobis monstrare posse viam; Omnes enim ejus virtutes enarrare impossibile est, nec ævum in posterum veniens illas recensabit: De frigido & calido, de humido & sicco participat; Mercurium in adjutorium adjutores suos trahens, ad massam perfectam coagulat; Et ex eo solo, cæteris post habitis, universale quoddam particulare satis potens, obtineri potest. Ut hinc ille Medicus, qui Antimonium rectè tractare scit, in elaboratione reliquorum processuum nullam quoque difficultatem deprehendat atque sentiat: Bene autem, ut iterum ad scopum nostrum redeamus, in præparatione talium medicamentorum particularium, sive illa ex metallis, sive ex aliis fossilibus sint, observandum est, ne si illa componuntur, illud
quod

quod ipsis vivacitatem subministrat, & vivum aliàs appellari solet, eò tempore suffocetur, sive per nimium ignem extingvatur; Quamvis interea minimè negandum, calorem & putrefactionem horum effectuum primos esse autores, & sine eorum auxilio ejusmodi particulare nunquam produci posse: Nam si metallum quoddam solummodò & per se hoc efficeret; nullum imperfectum minerale unquam particulare responderet: Quoniam autem talia mineralia omnium optima particularia nobis suggerunt, necesse est, ut mediantibus veris suis nutrimentis & menstruis, ignis frigidus atque calidus, maximam & præstantissimam in hoc nobis locet operam, siquidem utrorumque officium est *solvere & coagulare*. Invenerunt autem quidam, quos meritò etiam inter Adeptos referimus, ejusmodi specifica & particularia, cum quibus fere idem præstiterunt, quod alteri cum panecèa sua universali, siquidem non solum illos morbos, ad quos hæc medicamenta directæ fuerunt, his ipsis radicitiùs extirparunt, sed etiam in memoria confortatione, & cæterorum sensuum

refectione guttatim saltem ea adhibendô,
stupenda præstiterunt: Adhibebantur au-
tem ab illis hæc pharmaca non, uti jam
modò dixi, in quovis morbo, sed in his tan-
tùm, ad quos ab astris mineralia hæc, ex
quibus hæc medicamenta componeban-
tur, erant creata atque producta; Item in
illis, quos modò nominata astra ipsa cau-
saverant: Imo quidam veterum Philoso-
phorum hanc particularia componendi
artem suis inventis tam splendidam atque
illustrem reddebant, ut horum auxiliô i-
dem illud artificialiter generarent, quod a-
liàs astra mediante suo lumine atque virtu-
te naturaliter producebant: Exempli gra-
tiâ, sumebant semen quoddam sylvestre,
cujus generis aut speciei etiam illud erat,
istudq; particulari ipsorum immaceratum
germinandi causâ terræ mandabant, quô
fiebat, ut germen sive planta hujus seminis,
non solum alteras ejusdem sortis plantas
naturaliterq; prognatas, magnitudine atq;
robore vinceret, & in integram hyemem
maximum frigus in agris satum perferret,
sed etiam, quod vires ejus concernit, plan-
tas has sponte & naturaliter crescentes,
longè

longè multumq; superaret; Hinc ejusmodi particularia partim in Medicina adhibebant, partim unum atq; alterum obtinendi causâ, illis in mechanicis utebantur, unde e. g. crySTALLIS aliisq; pellucidis lapidibus, ut illos pellucidiores magis magisque diaphonos redderent, addébant; Ex quibus luculenter patet, naturam artem in auxilium nactam, maximas secretissimasq; efficere posse res. Quod tandem Medicinam universalem, de qua in sequentibus pauca quædam dicere animus est, spectat, veteres Philosophi hac ut potirentur variis institere viis, nempe *humida & sicca, frigida & calida &c.* Et verâ ne ad hanc destituerentur materiâ, eam mox in vegetabilibus, mox in marinis, mox in animantibus atq; brutis, mox in mineralibus & Cadmîs, mox in aliis subjectis quæsierunt; Ex quorum uno sine dubio etiam illa materia fuit, quam olim moriens quidam pater filio suo literis patefecit, quando ad eum ita scripsit: *Mi Fili, quoniam hora mortis meæ, uti videtur, instat, teq; illud, quod in per triginta annos mediante igne quæsito medicamento universali adinveni, moriens celare nolo,*

lo, susceptor tibi sum, ut materiam, quam tibi
 alio tempore pace feci atq; declaravi, au-
 xilio Vulcani tam puram atq; subtilem
 reddas, ut molitudine lamam etiam supe-
 rare queat: Hôc factô, immerge illam,
 menstruô meô penitus solutam, digestionis
 gratiâ triplex trimestre spatium in finem
 caballinum, post quod tempus si fundum
 phiole respicies, non solum menstruum ab-
 sumptum, sed etiam illius locô, fœtum no-
 vem hos menses incarcerationum, jam tibi a-
 mabiliter alludentem invenies; Qui ta-
 men non nisi à Genio sibi adstante ad tem-
 pus derelictus, in lucem hanc eâi potest,
 quod mediante sublimatione quadam in-
 fitâ, cujus ope Genius hic superiori phiole
 parti adherescet fiet. Quos virosq; tu de-
 inceps, vitrô in medietate dissecto, exime-
 re, auxilio olei natura de novo unire, &
 ad lapidem coagulare debes.

Punct. 3.

An verum, quod Medicina univer-
 salis detur? Et an quilibet ad illius
 præparationem aptus sit?

Sunt quidem multi, qui Medicinæ uni-
 versalis seu panacææ Hermeticæ exi-

stentiam nobis dubiam incertamve redde-
 re conantur, & quidem ex hoc fundamen-
 to, quoniam veteres Philosophi ejus pos-
 sessores, eam parabolicè saltem descrip-
 sissent, & velut involucris quibusdam tectam
 oculis nostris exhibuissent, unde & inte-
 gram hanc artem inter insomnia & phan-
 tasias referunt: Verum enim verò quod
 conclusio, hæc falsa & nullius momenti
 fit: *Vetres Philosophi Medicinam univer-*
salem occultarunt, & enigmaticè saltem
eam descripserunt. E. Scripta eorum de il-
la nihil aliud quàm mera insomnia sunt,
 quilibet, qui paululum saltem rectiore atq;
 justiore mentis trutinâ rem ponderabit, fa-
 cilè deprehendet. Quapropter hanc artem
 potius pro vera atq; certa arte, imo pro il-
 la ipsa reputemus, quæ omnibus Atheis, qui
 resurrectionem mortuorum, quamvis hu-
 jus ex sacris pandectis satis abundeq; cer-
 tiores facti, nihilominus tamen in dubium
 vocant, eandem per experimenta infalli-
 bilia demonstrare, & ita crassi atq; inexcus-
 abilis ipsorum erroris eos convincere po-
 test: Quod autem statim ego, tu &c. hoc
 est, quilibet nostram ad illius præparatio-
 nem

nem aptus sit, hoc & ipsi sapientiæ filii negant : Nam quemadmodum , inquiunt, Epicharmus scribit, *quod Dii nobis laboribus omnia bona vendant* ; Ita etiam aureum hoc vellus sine prævio labore acquiri impossibile esset ; Unde pergunt atq; dicunt, quod ille ipse, qui ejus particeps reddi vellet, præ omnibus aliis rebus artem Cabalisticam callere deberet , ut verbis & literis ligare atq; solvere posset ; Siquidem juxta vetus axioma in verbis magna virtus lateret. Secundò illam Cabalisticam & Cosmisticam Arithmeticam scire oporteret , quoniam hæc verum *solve & coagula* in se se contineret, & nullum occultioris Philosophiæ dictum esset , quod per hanc arithmeticam non enucleari atque resolvi posset : Strueret thesaurum antitheses : Inquiret in tempora atque annos , & quamdiu Monarchia quædam durare deberet, scrutaretur : Metiretur maria atque profunda, imo ipsum cælum & terram : Numerus rebus robur adderet, & infringeret quoq; illas : Per hunc pulveres pyrii & omnia fulminantia majorem fulminandi vim nanciscer-

ciscerentur, ejusque auxiliò etiam illam ipsam amitterent: Spiritus Chymicos fixos & volatiles redderet, & tandem in ipsa Elementa dominium suum exercens, illis aut fortiter, aut placidè agendi necessitatem imposeret. Tertiò opus esset, ut scientià physicà benè instructus signaturam rerum, quoniam natura unicuique rei peculiarem suum characterem largiretur, intelligeret, imo quia omnium rerum vita atque mors ex hoc ipso non parum dependeret, illò rectè uti sciret. Quartò necesse esset, ut metallicam artem callens, metallorum ac mineralium differentiam probè nòsset, & quomodo hoc vel illud metallum, sub hac vel illa elevatione poli, nobilius vel vilius existeret, hoc vel illud genus mineræ alteri se se maritaret, unum metallum in alterum corporaliter & spiritualiter transmutari, volatile atq; fixum reddi deberet, tandemque quomodo vilissimarum minerarum matrices aliique fluores, mediante igne simplici vel philosophico, cum quodam regulo seu astro maturari, & ad summam perfectionem exaltari.

altari possent, intelligeret: Ad quod obtinendum Pyrotechnia cum suis philosophicis atque chymicis furnis per apertionem & clausuram certorum tubulorum (der Schlüssel) calorem augendi vel minuendi causa, item cum suis lychnis pensilibus (Thurm und Tropff Lampen) cum suis asteriscis (Licht- und Stern-Feuern) quorum fila, ex auro, argento, alumine plumoso &c. constarent, multum valeret. Quinto Astronomiam didicisse operæ pretium esset, ut quamvis certas horas atque tempora in tractatione medicamenti (in Einsetzung und Außnehmung desselben) non observare deberet, nihilominus tamen ratione veris, æstatis, autumnii atque hyemis calidam & frigidam, humidam & siccam tempestatem dijudicare, item quando & quomodo meteora suum sputum, suum ignem, suos lapides cœlitus demitterent atque dejicerent, cognitum haberent: Uti nec cum latere deberet, hanc Astronomiam sive Astrologiam in censura uniuscujusque subjecti, & imprimis hominis seu brutorum, plus genus fœmininum

vas quoddam fere universale, cujus imi-
tatione maxima secreta effici
possent, repræsenta-
ret.

F I N I S.



1943-164